



## Hringbrautarverkefnið staða framkvæmda og fréttir af verkefninu

- NLSH kynnir helstu verklegar framkvæmdir ársins á útboðsþingi SI
- Útboðsgagnagerð alútboðs fyrir bílastæða- og tæknihús lokið
- Útboð á fullnaðarhönnun á bílakjallara undir Sóleyjartorgi stendur yfir
- Innanhússfrágangur í vinnubúðum langt kominn
- Framkvæmdir á vinnubúðareit
- Framkvæmdir sunnan og vestan við Eirberg
- Framkvæmdir við bílastæði á lóð Landspítala við Kringlu

## NLSH kynnir helstu verklegar framkvæmdir ársins á útboðsþingi SI



Gunnar Svavarsson framkvæmdastjóri NLSH á framkvæmdasvæðinu með Degi B. Eggertssyni borgarstjóra

Á árlegu útboðsþingi Samtaka iðnaðarins, um verklegar framkvæmdir hjá opinberum aðilum á árinu 2021, sem haldið var í vikunni kynnti Gunnar Svavarsson, framkvæmdastjóri NLSH áætlanir félagsins á árinu í útboðum og verklegum framkvæmdum.

Helstu útboð á árinu 2021 eru:

- Jarðvinna – rannsóknahús. Þetta er opið útboð sem verður auglýst í febrúar - mars.
- Fullnaðarhönnun bílakjallara. Þetta útboð hefur verið auglýst og tilboð verða opnuð 9.febrúar.
- Útboð um rörpóst. Það útboð er í samkeppnisviðræðum sem lýkur í mars.
- Útboð um sorp og lín kerfi í nýjan spítala. Er á útboðsstigi eftir forval og því lýkur í apríl.
- Bílastæða og tækniús sem er alútboðsverk. Verður afhent í febrúar - mars eftir forval.
- Útveggir meðferðarkjarna. Samkeppnisútboð eftir forval í apríl - maí.
- Gatna og veitnagerð í þriðja áfanga. Útboð verður auglýst í maí - júní.

Hægt er að nálgast upptöku af fundinum hér.

<https://vimeo.com/500878691/9b47427494>

# Útboðsgagnagerð alútboðs fyrir bílastæða- og tækniús lokið



Nýtt bílastæða og tækniús verður staðsett vestan megin á nýbyggingasvæðinu

Nú er lokið útboðsgagnagerð vegna alútboðs á nýju bílastæða og tækniúsi. Um er að ræða 19.500 fermetra hús sem mun rísa vestast á framkvæmdasvæðinu við nýjan Landspítala.

Gögnin eru til yfirferðar og umsagnar hjá samstarfsnefnd um opinberar framkvæmdir sbr.lög nr. 84/2001 um skipan opinberra framkvæmda.

„Þetta hús á eftir að rúma yfir 500 bíla og þar verða einnig hjólageymslur og tæknirými fyrir varaafli spítalans, kælikerfi og varakyndingu.


Byggingin er tengd öðrum mannvirkjum á svæðinu bæði ofanjarðar og einnig með umferðar- og tæknigöngum neðanjarðar“, segir Erlendur Árni Hjálmarsson, verkefnastjóri hjá NLSH.

Í forvalinu voru fimm þátttakendur sem stóðust allar kröfur forvalsins.

Þessir sömu aðilar eru svo þátttakendur í alútboði á BT húsinu.

Alútboð felur í sér að sá aðili sem NLSH semur við mun sjá um hönnun og byggingu hússins og skila því fullbúnu.

# Útboð á fullnaðarhönnun á bílakjallara undir Sóléjartorgi stendur yfir




Bílakjallari undir Sóléjartorgi, þrívíddarmynd sem sýnir Sóléjartorg og innkeyrslu í bílakjallarann

Nú stendur yfir útboð á fullnaðarhönnun á nýjum bílakjallara sem verður á tveimur hæðum og staðsettur undir Sóléjartorgi. Lokið hefur verið við forhönnun. Í nýjum bílakjallara er gert ráð fyrir um 200 bílastæðum ásamt lyftum og stigagöngum.


Bílakjallarinn verður austan við aðalbyggingu spítalans, nýjan meðferðarkjarna.

Tilboð vegna fullnaðarhönnunar bílakjallara verða opnuð 9. febrúar næstkomandi.

## Innanhússfrágangur í vinnubúðum langt kominn



Unnið er við að setja upp kerfisolft í vinnubúðum



Búið er að dúkleggja og ganga frá tröppum í tengibyggingu

Í nýjum vinnubúðum er búið að leggja dúk á öll gólf og unnið við að setja upp kerfisloft með tilheyrandi vinnu smíða, rafvirkja og pípara. Búið er að klára tengibyggingu og verið að setja upp loftræsikerfi. Fljótlega verður hafist handa við vinnu við að innrétta og að ganga frá vaktskúr við hlið að austanverðu. Búið er að setja upp loftræsisamstæðu sem sér um loftskipti í matsal og í fataaðstöðu.

Stefnt er að verklokum í lok mánaðarins.

**Sjá nr. 1 á korti**

## Framkvæmdir á vinnubúðareit



Unnið við undirbúning malbikunar á Burknagötu



Búið er að setja upp loftræsisamstæðu á pall milli vinnubúðanna

Helstu framkvæmdir á vinnubúðasvæðinu eru þær að verið er að undirbúa undir malbikun á Burknagötu sem verður malbikuð í lok vikunnar. Steinar Þór Bachmann verkefnastjóri hjá NLSH segir að samhliða sé verið að sinna ýmsum verkum á svæðinu.

Unnið er við færslu á girðingum innan svæðis og við afmörkun framkvæmdasvæðis. Verið er að flytja til þvottastöð fyrir vinnuvélar frá vestari hluta Burknagötu yfir í austurenda ásamt öryggispáttum sem snúa að undirbúningi uppsteypu á meðferðarkjana.

## Framkvæmdir vestan við Eirberg



Eftir er að tengja snjóbræðslu í gangstétt vestan við Eirberg

Búið er að helluleggja á þessu svæði og einungis eftir að tengja snjóbræðslu í gangstétt.

**Sjá nr. 2 á korti**

# Framkvæmdir við bílastæði á lóð Landspítala við Kringlu



Bílastæði við Kringlu

Í þessari verkframkvæmd er einungis eftir koma fyrir blómakerjum á bílastæðið við Kringluna.


**Sjá nr. 3 á korti**

## Skýringarmynd

Yfirlitsmynd af svæðinu sem sýnir framkvæmdasvæði nýs Landspítala og gönguleiðir



Akstursleið



Gönguleið



Vinnusvæði



## Nánari upplýsingar.

Allar upplýsingar um framkvæmdina verða birtar á upplýsingasíðum NLSH, Landspítala og Háskóla Íslands og annarra hagsmunaaðila eftir því sem verða vill. Einnig mun upplýsingum verða reglulega komið á framfæri í fjölmiðlum ef miklar breytingar verða á umferðarfyrirkomulagi.

Nánari tæknilegar- og verkframkvæmdaupplýsingar veita:

Ásbjörn Jónsson verkefnastjóri NLSH, 841 7050 eða netfangið [asbjorn@nlsh.is](mailto:asbjorn@nlsh.is)

Aðrar almennar upplýsingar veitir Magnús Heimisson samskiptastjóri NLSH, 866 1378 eða [magnus@nlsh.is](mailto:magnus@nlsh.is)

Sértækar upplýsingar veitir af hálfu Landspítala Stefán Hrafn Hagalín 897 3644

[stefanhh@landspitali.is](mailto:stefanhh@landspitali.is) og frá Háskóla Íslands Björn Gíslason 896 0876 [bgisla@hi.is](mailto:bgisla@hi.is)



[nlsh.is](http://nlsh.is)

NLSH ohf. / Skúlagata 21, 101 Reykjavík / Aðalnúmer 551 6010 / kt. 500810-0410 / [postur@nlsh.is](mailto:postur@nlsh.is)

*Höfundaréttur © NLSH ohf.*

**Póstfang:**

[postur@nlsh.is](mailto:postur@nlsh.is)

Viltu breyta viðtöku á fjöldapóstinum?

Hér má breyta skilyrðum [update your preferences](#) eða afskrá [unsubscribe from this list](#).